



Broj: 01/21-02-1155-1/24

Datum: 24.5.2024. godine

**PREDSTAVNIČKOM DOMU  
PARLAMENTA FEDERACIJE BiH**

Primljeno: 30-05-2024			
Org. jed.	Broj	Priloga	Vrijednost

Odbor za boračka i invalidska pitanja Predstavničkog doma Parlamenta Federacije BiH (u daljem tekstu: Odbor), na 6. sjednici, održanoj 24.5.2024. godine, razmatrao je sljedeći:

**DNEVNI RED**

1. Usvajanje Zapisnika sa 5.sjednice Odbora;
2. Inicijativa za realizaciju Zaključka Odbora, koju je podnio Savez udruženja boraca „Patriotske lige“ BiH; Zahtjev za hitno rješavanje statusa Organizatora otpora i dodjele Medalje otpora, koje je podnijelo udruženje „Organizatori otpora“ Općine Bužim;
3. Inicijativa zastupnice Edite Mazić od 27.9.2023.godine;
4. Inicijativa za donošenje Zakona o izmjenama o dopunama Zakona o prijevremenom povoljnijem penzionisanju branilaca odbrambeno-oslobodilačkog rata, koju je uputilo Ministarstvo za pitanje boraca i ratnih vojnih invalida USK;
5. Urgencija na inicijativu, koju je uputila Hrustemović Refija;
6. Informacija, Kantonalna uprava za branitelje-Travnik;
7. Zastupnička inicijativa, koju je uputila grupa zastupnika u Predstavničkom domu i Izjašnjenje Vlade;
8. Zahtjev za izvorno-autentično tumačenje člana 36, 37 i 38. Zakona o penzijskom i invalidskom osiguranju, koju je uputio advokat Amir Murgić;
9. Inicijativa za izmjenu Zakona o pravima demobilisanih branilaca i članova njihovih porodica FBiH, koju je uputilo udruženje „Kamp boraca“;
10. Tekuća pitanja.

Na osnovu člana 44. st. 1. i 2., a u vezi člana 76. Poslovnika Predstavničkog doma Parlamenta Federacije BiH, Odbor za boračka i invalidska pitanja Domu podnosi sljedeći:

**IZVJEŠTAJ**

Na predloženi dnevni red, član Odbora, Hajrudin Žilić, iznio je prijedlog da se na sjednici ne razmatraju tačke čiji predlagač nije prisutan, te da se iste razmatraju na sljedećoj sjednici Odbora. Ovaj prijedlog je jednoglasno podržan, čime je dnevni red usvojen u skladu sa navedenim izmjenama.

## **1. Usvajanje Zapisnika sa 5.sjednice Odbora;**

Zapisnik sa 5. sjednice Odbora je jednoglasno usvojen.

## **2. Inicijativa za realizaciju Zaključka Odbora, koju je podnio Savez udruženja boraca „Patriotske lige“ BiH; Zahtjev za hitno rješavanje statusa Organizatora otpora i dodjele Medalje otpora, koje je podnijelo udruženje „Organizatori otpora“ Općine Bužim;**

Predstavnici predlagača su obrazložili a Odbor za boračka i invalidska pitanja Predstavničkog doma Parlamenta FBiH razmotrio Inicijativu za realizaciju Zaključka Odbora, koju je podnio Savez udruženja boraca „Patriotske lige“ BiH i Zahtjev za hitno rješavanje statusa Organizatora otpora i dodjele Medalje otpora, koje je podnijelo udruženje „Organizatori otpora“ Općine Bužim te nakon sveobuhvatne rasprave Odbor je donio sljedeće:

### **ZAKLJUČAK I**

Odbor za boračka i invalidska pitanja Predstavničkog doma Parlamenta Federacije BiH predlaže Vladi Federacije BiH i resornom Ministarstvu da po skraćenoj proceduri predlože Parlamentu Federacije BiH izmjene člana 1. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 9/10, 90/17, 29/22), gdje se prekluzivni rok briše.

### **ZAKLJUČAK II**

Odbor za boračka i invalidska pitanja Predstavničkog doma Parlamenta Federacije BiH traži od Vlade Federacije BiH da u roku od 30 dana donese Uredbu o utvrđivanju kriterija, načinu i postupcima za dodjelu Medalje otpora.

Zaključci su usvojeni jednoglasno.

Odbor za boračka i invalidska pitanja Predstavničkog doma Parlamenta Federacije BiH će tražiti od Predstavničkog doma Parlamenta Federacije BiH izjašnjenje o ovim zaključcima na sljedećoj sjednici Doma te da se isti uvrste kao tačka dnevnog reda u skladu sa Poslovníkom Predstavničkog doma.

### **3. Inicijativa zastupnice Edite Mazić od 27.9.2023.godine;**

Odbor za boračka i invalidska pitanja Predstavničkog doma Parlamenta Federacije BiH razmotrio je Inicijativu zastupnice Edite Mazić od 27. septembra 2023. godine, koja se odnosi na implementaciju prava definisanog Zakonom o pravima demobilisanih boraca i članova njihovih porodica („Službene novine Federacije BiH“, broj: 54/19 i 29/22), posebno u vezi s izdavanjem identifikacione kartice. Nakon sveobuhvatne rasprave Odbor je donio sljedeći:

#### **ZAKLJUČAK**

Odbor za boračka i invalidska pitanja Predstavničkog doma podržava Inicijativu s obzirom da se smatra da postoji zakonski osnov za njenu provedbu. Inicijativa se prosljeđuje nadležnom resornom ministarstvu na dalje postupanje u skladu sa propisima i ovlastima.

Zaključak je usvojen jednoglasno.

### **4. Inicijativa za donošenje Zakona o izmjenama o dopunama Zakona o prijevremenom povoljnijem penzionisanju branilaca odbrambeno-oslobodilačkog rata, koju je uputilo Ministarstvo za pitanje boraca i ratnih vojnih invalida USK;**

Predstavnik predlagača je obrazložio a Odbor za boračka i invalidska pitanja Predstavničkog doma Parlamenta FBiH razmotrio Inicijativu za donošenje Zakona o izmjenama o dopunama Zakona o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije Bosne i Hercegovine“ broj: 41/13, 90/17 i 29/22), koju je uputilo Ministarstvo za pitanje boraca i ratnih vojnih invalida USK, te nakon sveobuhvatne rasprave Odbor je donio sljedeći:

#### **ZAKLJUČAK**

Traži se od Vlade Federacije Bosne i Hercegovine da u što kraćem roku a najduže 60 dana u parlamentarnu proceduru uputi izmjenu i dopunu Zakona o prijevremenom povoljnijem penzionisanju branilaca odbrambeno-oslobodilačkog rata na način da iz postojećeg Zakona se briše član 14. stav 3., odnosno da se ukloni rok od 1.12.2013. godine kao rok za podnošenje zahtjeva.

Zaključak je usvojen jednoglasno.

Odbor za boračka i invalidska pitanja Predstavničkog doma Parlamenta Federacije BiH će tražiti od Predstavničkog doma Parlamenta Federacije BiH izjašnjenje o ovom zaključku na sljedećoj sjednici Doma te da se isti uvrsti kao tačka dnevnog reda u skladu sa Poslovníkom Predstavničkog doma.

## **5. Urgencija na inicijativu, koju je uputila Hrustemović Refija;**

Odbor za boračka i invalidska pitanja Predstavničkog doma Parlamenta Federacije BiH razmotrio je Inicijativu koju je uputila Hrustemović Refija te je jednoglasno odlučio da će podnosiocu Inicijative odgovoriti putem dopisa, uz preporuku da se ova inicijativa podnese preko relevantnog udruženja.

## **6. Informacija, Kantonalna uprava za branitelje-Travnik;**

Odbor za boračka i invalidska pitanja Predstavničkog doma Parlamenta Federacije BiH je predmetnu inicijativu primio k znanju.

## **7. Zastupnička inicijativa, koju je uputila grupa zastupnika u Predstavničkom domu i Izjašnjenje Vlade;**

Odbor za boračka i invalidska pitanja Predstavničkog doma Parlamenta Federacije BiH razmotrio je Inicijativu koju je uputila grupa zastupnika u Predstavničkom domu i Izjašnjenje Vlade te nakon sveobuhvatne rasprave donio sljedeći:

### **ZAKLJUČAK**

Odbor za boračka i invalidska pitanja Predstavničkog doma Parlamenta Federacije BiH sugeriše predlagačima, uzimajući u obzir izjašnjenje Vlade FBiH, da istu prošire na način da se utvrdi tačan broj lica koji su obuhvaćeni Inicijativom te da se izvrši fiskalna procjena.

Zaključak je usvojen jednoglasno.

## **8. Zahtjev za izvorno-autentično tumačenje člana 36, 37 i 38. Zakona o penzijskom i invalidskom osiguranju, koju je uputio advokat Amir Murgić;**

Predstavnik predlagača je obrazložio a Odbor za boračka i invalidska pitanja Predstavničkog doma Parlamenta FBiH razmotrio Zahtjev za izvorno-autentično tumačenje člana 36, 37 i 38. Zakona o penzijskom i invalidskom osiguranju, koju je uputio advokat Amir Murgić. Nakon sveobuhvatne rasprave, Odbor je donio sljedeći:

### **ZAKLJUČAK**

Odbor za boračka i invalidska pitanja Predstavničkog doma Parlamenta Federacije BiH je mišljenja da nije nadležan za predmetna pitanja te sugeriše da je za postupanje nadležna Zakonodavno – pravna komisija Predstavničkog doma Parlamenta FBiH.

Zaključak je usvojen jednoglasno.

**9. Inicijativa za izmjenu Zakona o pravima demobilisanih branilaca i članova njihovih porodica FBiH, koju je uputilo udruženje „Kamp boraca“;**

Predstavnik predlagača je obrazložio a Odbor za boračka i invalidska pitanja Predstavničkog doma Parlamenta FBiH razmotrio Inicijativu za izmjenu Zakona o pravima demobilisanih branilaca i članova njihovih porodica FBiH, koju je uputilo udruženje „Kamp boraca“. Nakon sveobuhvatne rasprave Odbor je donio sljedeći:

**ZAKLJUČAK**

Odbor za boračka i invalidska pitanja Predstavničkog doma Parlamenta FBiH traži od Vlade Federacije BiH da formira komisiju čiji bi sastav činili članovi Odbora za boračka i invalidska pitanja Predstavničkog doma Parlamenta FBiH, predstavnici Ministarstva za pitanje boraca i invalida odbrambeno-oslobodilačkog rata, te predstavnici Saveza boraca FBiH, Saveza HVO i Kamp boraca. Ova komisija bi imala zadatak pripremiti izmjene i dopune Zakona o pravima demobilisanih boraca i članova njihovih porodica („Službene novine Federacije BiH“, broj: 54/19 i 29/22) u dijelu koji se odnosi na uspostavljanje boračkog dodatka, s ciljem da Zakon bude u potpunosti provodiv.

Zaključak je usvojen jednoglasno.

Odbor za boračka i invalidska pitanja Predstavničkog doma Parlamenta Federacije BiH tražiti će od Predstavničkog doma Parlamenta Federacije BiH izjašnjenje o ovom zaključku na sljedećoj sjednici Doma te da se isti uvrsti kao tačka dnevnog reda u skladu sa Poslovníkom Predstavničkog doma.

U skladu sa članom 53. Poslovníka Predstavničkog doma Parlamenta Federacije BiH za izvjestioca je određena Amra Junuzović - Kaljić, Predsjednica Odbora.

**PREDSJEDNICA ODBORA**

Amra Junuzović – Kaljić s.r.